

# PINIARNEQ 2018

AALLAANIARTUNUT ATASSUTEQAAAT PISANILLU NALUNAARSUIFFIIT



EQQAAMAJUKI

Pisatit kingusinnerpaamik oktobarip  
15-iani nalunaartuigissagakkitt.

Tamanna kiissalu piniaernermut allagartamik nutaamik qin-  
nutegarneq imminut sullinnikkut [www.sullissivik.gl](http://www.sullissivik.gl)-imi  
imaluunnitt kommunip sullissiviani pisinnaavog

Sagpaani aseq: Mads Ole Kristiansen, Qaanaq

Forsidefoto: Mads Ole Kristiansen, Qaanaq

# PINIARNEQ 2018

## JAGTINFORMATION OG FANGSTREGISTRERING



HUSK!


**Du skal rapportere din fangst  
senest den 15. oktober.**

Dette samt ansøgning/fornyelse om nyt jagtbevis,  
kan du gøre ved selvbetjening på [www.sullissivik.gl](http://www.sullissivik.gl)  
eller hos Kommunens Borgerservice


# SIKKERHEDSRÅD TIL SØS



MAALAKKERSUISUT  
GOVERNMENT OF GREENLAND



Lær at svømme.



Undersøg vejrforhold  
og ismeldinger på nettet  
eller KNR, før du sejler.



Husk varmt tøj.




Medbring  
redningsudstyr.



Oplys altid, hvor du tager hen.  
Så er du nemmere at finde.



Husk årer og  
ekstra brændstof.



Husk VHF, GPS,  
kompas, spotsender  
og søkort.



Bliv ved båden, hvis den kæntrer.




Vær opmærksom på vejrforhold under  
sejladsen. Det kan skifte hurtigt.



Husk at underrette dine pårørende,  
når du kommer tilbage fra sejlds



Ilisimatinnissaat eqqaamajuk.



Angallatp eqqaanilliginnart.




Iputit orussamaallit  
eqqaamakkit.



Annanutit  
nassakit.



Aittat oqortut  
eqqaamakkit.



Nalunermik ilinnart.



Aalanninnini silissaaq sikilut  
pillugt nalunaaunitt ilinnartit  
KNR-imilunni misissukkit.



VHF, GPS, puforsit, qinguar-  
taat aamma imaanut nunap  
assinga eqqaamakkit.



Sumukammarutit tamagut  
ilisimatississutit. Taamaallomik  
nassaanutiminnarnerussakit.

IMARSIORNERMI  
ISUMNALLISAANEO

MAALAKKERSUISUT  
GOVERNMENT OF GREENLAND





# KALAALLIT NUNAANNI PINIARNERMI ILEQQORISSAARNEQ

*Allattut: Piniarneq Pillugu Siunnersuisoqatigiit aamma APN*

## PINIARNERMI ILEQQORISSAARNEQ

Piniakkagut assigiinngitsorpassuit pinngortitarlu alutornartorsuaq piniarnermi naleqanngitsunik misigisaqarnissamut periarfissiipput, pisaq puisuuppat, arfiuppat timmiaappalluunniit apeqqutaatinagu. Nunatsinni piniarnermi ileqqoris-saarnertut isigineqartut immikkoortuni tallimani tulluittuni allaaserineqarput.

- 1) Piniarneq tamarmi inatsisit atuuttut naapertorlugit ingerlanneqassaaq. Taamaattumik piffissat piniarfissat, nunat piniarfissat pisassiissutillu atuuttut paasiniakkat, aamma illit kommunerisappit avataani aalajangersarneqartut. Nunat eqqissisima-tinneqartut aamma timmiaqarfiit eqqaanniittut sumiiffiit immik-koortitat illersugaasut ataqikkat taamaalilluni timmissat eqqissisi-mallutik piaqqisinnaaqqullugit amerleriarsinnaaqqullugillu.
- 2) Piniarnerup nuannersuuneranut ilaavoq uumasup pisariaqanngit-sumik naalliutsinneqannginnissaa. Taamaattumik pingaaruteqar-poq sulloqqortussutsip eqqortup atorneqarnissaa isumannaatsumillu ungasippallaanngitsumiit aallaan-ninngisaannarit. Uumasup aattor-neqarsimasup namanneqarnissaa qanillisarniarlugu uumasut pissa-tarineqassanngillat ungoorneqas-sanatillu.
- 3) Nunatsinni inoqutigiinnut, atisa-nut aamma eqqumiitsuliornikkut atortussiassanik atuinitsinni uuma-sup tamarmiusup atorneqarnis-saa ileqqoraarput. Taamaattumik

pisagaruit neqi allallu nerineqarsin-naasut, atorneqarsinnaasullu allat tamakkerlugit nassartakkit. Taamaa-liornikkut pisuussutit uumassusillit ataatsimut pigisavut pitsaanerpaam-ik pissarsiffigissavagut.

- 4) Piniariarlutit aallannginninni sak-kutit misissoqqaakkit. Aallaasivit piniagassanut atorneqartinnagu ooqattaatineqarsimanissaa isu-mannaaruk. Uumasup aallaaniakka-vit tunuaniittoqarnersoq tamatigut misissoqqaartassavat. Inuit allat, inissiat, angallatit allallu tungaanut aamma illoqarfiup iluani seqqun-ngisaannarit.
- 5) Uumasut pisisatit pillugit ta-matigut allattuiaannarit taa-maalillutit piniarnermut allagar-tat nutarterneqartussanngorpat ukiumoortumik immersugassat ajornannginnerusumik immersor-sinnaaqqullugu. Piniagassat killi-lersukkat tamaasa pillugit pisanik immikkut nalunaarsuiffissaq immer-soruk utertillugulu, taamaalilluni piniagassaqassutsit ineriartorneri pillugit ingerlatsivik sapinngisamik pitsaanerpaamik ilisimasaqalersil-lugu.

Pinngortitaq imaannaanngitsoq nunalu annertoq pillugu isumannaallissaaneq annertuumik pingartinneqassaaq. Mappersakkap matuma ungaluani imaa-tigut isumannaallisaaneq pillugu anner-tunerusumik atuaruk.

## PINNGORTITAMI MISIGISAT AAMMA IGITAT

Pinngortitaq alianaatsuuvog nunatsinni sumulluunniit pigaluaanni. Ukiunili kingullerni nunani tikitani alianaatsortaa takujuminaallisimavoq. Siusinnerusukkut nunat alianaatsorsuusimasut maannakkut igitanik qimaannakkanik, puigukkanik imaluunniit aalisarnermut piniarnermulu atortunik qimaannakkanik annaasannillu mingutsinneqarsimapput.

Taamatut ileqqoqalersimaneq piniarnerpaamik unitsittariaqarparput.

Pinngortitameereernerup kingorna saliinissaq igitassallu il.il. illoqarfimmut oqqunnissaat ajornartorsiutaasariaqanngilaq. Illoqarfinni amerlanerni umiarsualiviit eqqaanni containerit eqqaaviit inissinneqarsimapput, igitassallu iginneqarnissaat akeqarani.

Taamaattumik angalasimagaangavit igitassatit tamatigut nassartakkit. Taamaasiorneq uagutsinnut, kingulisatsinnut, pinngortitami piniarnermilu pitsaanerpaamik misigisaqartitsissaaq.

*Piniarluarina!*

## INGERLATSIVIMMIT NUTAARSIASSAT

### AARRIT – AARRIT PILLUGIT PIUJUAANNARTITSINERMIK TUNNGAVEQARLUNI PINIAGAANERSUT PILLUGIT NALUNAARUT (NDF) NUTAAQ

Tunisassiat aarrinneersut takornarianut tuniniarneqarsinnaaleqqipput 13. Juni 2017-imiit. Tunngaviuvoq Pinngortaleriffimmeersut ukiuni pingasuni kingullerni aarrit pisat pillugit naliliisimmammata aaffanniarneq piujuannartitsinermik tunngaveqartumik ingerlanneqartoq. Aaffanniarneq 2016-imi piujuannartitsinermik tunngaveqarani ingerlanneqartutut nalunaarutigineqartoq pissutigalugu Qaanaap eqqaani pisarineqartut biologit siunnersuutaat naleqqiullugu amerlanerummata.

Piujuannartitsinermik tunngaveqarluni aaffanniartoqarnera pillugu nalunaarut tunngaviuvoq nunanut allanut tuniniaqqusiunnaarallannerup atorunnaarsinneqarneranut. Aarrinit tunisassianeersunik 13. Juni 2017-imiit kingumut nunatta avataanut tuniniarneqarsinnaanerinit akuersissummik tunniussisoqarsinnaalernikuuvoq.

Tikaagulliit kitaaneersut aamma qilalukkat qaqortat sulii nunanut allanut tuniniarneqarsinnaapput. Qilalukkat qernertat, nannut aamma arferit mikinerit allat nunanut allanut tuniniaqqusaannginneri sulii atuutsinneqarpoq, piujuannartitsinermik tunngaveqartumik piniarneqarnerinit nalunaarusiarineqarpata aatsaat piniakkat taaneqartut nunanut allanut tuniniaqqusaalissapput.

### QILAKUKKAT QAQORTAT QERNERTALLU – TUNUMI QERNERTANIK KISITSINEQ

Tunami 2008-mi siullermeersumik kingullermeersumillu qilalukkanik qernertanik kisitsisoqarmat, kisitsisit nutaanngilisimaneri pissutigalugit, aasami 2016-imi 2017-imilu Pinngortaleriffik Tunumi qilalukkanik qernertanik kisitseqqippuq. Misissuineri inernerit marts 2018-imi Atlantikup Avannaani Miluumasut Imarmiut pillugit ataatsimiititaliap (NAMMCO) tullermi ukiumoortumik ataatsimiinnerani akusiorneqarlutillu suliarineqassapput. Taassumalu kingorna Aalisarnermik Piniarnermillu Naalakkersuisoqarfiup siunnersuineq nutaaq pillugu tusarniaassalluni.

Tamanna isumaqarpoq, Tunumi siunnersuut NAMMCO-mit akuerineqassappat, kingusinnerpaamik januaarip 1.-iani 2019 atuutilersinneqassaaq.

Taamatuttaaq Pinngortaleriffik 2018-imi qilalukkanik qernertanik Qimusseriarsuarmi aamma Qaanaami Kangerlussuarmi kisitsinissamik pilersaaruteqarpoq. Misissuinerit naammassippata, Canadamiut aamma Kalaallit qilalukkat qaqortat qernertallu piujuannartinnissaannut aamma aqutsinissamut Ataatsimoortumik Ataatsimiititaliaruat (JCNB) aqqutigalugu inernerit assingusumik suliarineqassapput, tassalu siunnersuineq nutaaq siusinnerpaamik 2020-imi atuutilerneqarnissaa naatsorsuutigineqassalluni.

## TUTTUNNIARNISSAMUT AKUERSISSUTIT PISANIK NALUNAARUTEQARNERTALIMMIK UTERTINNEQARTUSSAAPPUT

Nunatsinni inuussutissarsiutigalugu sunngiffimmilu piniartut tuttunniarnermik nuan-narisaqartuupput, tamanna tuttunniarnissamut akuersissutit tunniunneqarsimasut kisitsisaatigineqartunilu malunnarluinnarpoq.

Illoqarfinni nunaqarfinnilu sullissiviit inuussutissarsiutigalugu sunngiffimmilu pini-artunut tuttunniarnissamut akuersissutinik tunniussisartuupput, taamatuttaarlu aku-ersissutit utertinneqartut nalunaarsortarlugit. Inuussutissarsiutigalugu sunngiffimmilu piniartut tuttunniarsinnaalernerminni pisussaaffeqalerput pisanik nalunaarsuiffimmik immersuinissamik. Pisanik nalunaaruteqarnermi tutut pisarineqartut suaassusaat, angissusaat tunnoqassusaallu aallaavigalugit nalunaarutigineqartussaapput.

Tutut pisarineqartut pillugit nalunaarutigineqartartut APN-ip aqutsinermi aamma Biologit inassuteqaasiornerminni atortarpaat. Inassuteqaasiornissamullu pitsaanerpaa-mik tunngaveqarnissaq tassaalluni tuttoqatigiit assigiinngitsut pillugit sukumiisumik ilisimasaqarnissaq. Tutut pisarineqartut nalunaarutigineqartarnissaat taamaasilluni pingaaruteqarluinnarput, allaat Piniarnermut Naalakkersuisumit tuttunniarnissamut pisassiissutinik piffissaliussanillu aalajangiinissamut atorineqartarlutik.

Akuersissutit pisanik nalunaaruteqarnermik immersornissaat utertinneqartarnissaat APN-imiit ilaatigut TV-ikkut allagartalersuinikkut ukiuni kingullerni sulissutigine-qartoq iluaqutaasoq malunnarpoq, kisianni akuersissutit utertinneqanngitsut sulii amerlavallaarujussuarlutik. Tuttunniarnissamut akuersissutit 2016-imi tunniunneqar-tut utertinneqartullu illoqarfinni makkunani Sullissiviit suleqatigalugit nalunaarsorne-qarsimapput, kisitsisinngorlugillu imaapput:

| Nuuk                               | Tunniunneqartut | Utertinneqartut | Procent-inngorlugu |
|------------------------------------|-----------------|-----------------|--------------------|
| Sunngiffimmi piniartut             | 1.670           | 752             | 45,0 %             |
| Inuussutissarsiutigalugu piniartut | 205             | 51              | 24,9 %             |
| Sisimiut                           |                 |                 |                    |
| Sunngiffimmi piniartut             | 258             | 129             | 50,0 %             |
| Inuussutissarsiutigalugu piniartut | 66              | 20              | 30,3 %             |
| Maniitsoq                          |                 |                 |                    |
| Sunngiffimmi piniartut             | 248             | 151             | 60,9 %             |
| Inuussutissarsiutigalugu piniartut | 100             | 58              | 58,0 %             |
| Aasiaat                            |                 |                 |                    |
| Sunngiffimmi piniartut             | 180             | 119             | 66,1 %             |
| Inuussutissarsiutigalugu piniartut | 80              | 53              | 66,3 %             |
| Qeqertarsuaq                       |                 |                 |                    |
| Sunngiffimmi piniartut             | 46              | 46              | 100 %              |
| Inuussutissarsiutigalugu piniartut | 142             | 142             | 100 %              |

Kisitsisit misissorlugit malunnarpoq piniartut illoqarfiit ilaanni akuersissutit utertinnissaat taamatullu pisanik nalunaaruteqarnissaq pikkoriffignerugaat. Nuummi Sisimiunilu tuttunniarnissamut akuersissutinik utertitsisarneq ingerlalluartutut oqaatigineqarsinnaangilaq. Nuummi inuussutissarsiotigalugu piniartut 25 %-iinnaat pisanik nalunaaruteqartartut takuneqarsinnaavoq, pisanillu nalunaaruteqarsimanngitsut katillugit tuttunik 3080-inik nalunaarutigineqanngitsunik pisaqarsimasinnaapput, akuersissutit tunniunneqartut amerlassusaat tunngavigalugit.

Nuummi sunngiffimmi piniartunut akuersissutit tunniunneqartut 1.670-iupput, Sisimiuni tunniunneqartunit arfinileriaammik amerlanerullutik. Taamaakkaluartoq Nuummi sunngiffimmi piniartut 45 %-iinnaat akuersissutinik utertitsisimapput. Tassa imaappoq Nuummiinnaq akuersissutit 2016-imi utertinneqanngitsut tunngavigalugit tuttut pisarineqartut nalunaarutigineqanngitsut 6.260-iusimasinnaapput, tassanilu piniarnermut allagartaqaratik akuersissuteqaratillu unioqqutitsillutik tuttunniartartut ilanngunneqaratilluunniit. Sisimiuni inuussutissarsiotigalugu piniartut 46-t pisanik nalunaaruteqarneq ajortut pillugit tuttut pisarineqartut nalunaarutigineqanngitsut 920-iusimasinnaapput. Sunngiffimmi piniartut pisanik nalunaaruteqarneq ajortut pillugit tuttut 645-rut pisarineqarsimasinnaallutik.

Allagartaqaratik akuersissuteqaratillu tuttunniartartut APN-imiit Nakkutilliisut suleqatigalugit eqqumaffigineqarput ilimagineqarporlu tuttut akuersissuteqanngitsumik pisarineqartartut nalinginnaasumik pisarineqartartunut sanilliullugit 25 %-iusinnaasut.

Tuttunniarnissamut akuersissutit tunniunneqartartut utertinneqaratillu kisitsisiinarnik misissuigaanni takuneqarsinnaavoq Nuummi aamma Sisimiuni ajornartorsiut annertuvallaartoq, immikkullu iliuseqarfigisariaqartoq. APN-imi maleruagassanik sukaterinissaq maannakkut sulissutigineqarpoq, ilaatigut Piniarnermut Inatsisip nutarterneqarnerani tuttunniarnissamut umimmanniarnissamullu pisanik nalunaaruteqartannginneq pillugu immikkut sukaterinissaq eqqarsaatigineqarluni. APN-imiit eqqaasitsissutigissavarput uteqqiattumik nalunaarutini piumasaqaatit naammassineqanngitsut pineqaatissiissutaasinnaammata taamaattumillu APN-imiit ilungersorluta tuttutatit umimmattatillu nalunaarutiginnissaat piumasaraaput.

## TERIANNISSAT, TULUKKAT NAAJALLU EQQISSISIMATITAAJUNNAARALLARNISSAAT

Inatsisartut upernaakkut 2017-imi teriannissat, tulukkat aamma naajat eqqissisimatitaanerisa atorunnaarsinneqarallarnissaat akueraat. Tamatumunnga siunnersuuteqartuuvoq Anthon Frederiksen, Partii Naleraq, siunnersuuteqarnermut tunngavilersuutigineqarpoq uumasut timmissallu pineqartut inoqarfinni ilaatigut annertuumik akornutaalersimasut, ilami allaat peqqissutsimut akornusiisnaallutillu inunnik uumasuutinillu allanik ulorianartorsiortitsisinnaanerak, pingaartumik teriannissat perlerortarnerat eqqarsaatigalugu.

Teriannissat, tulukkat naajallu qangaanerusumut naleqqiullugu piniagaasarnerat anikillerujussuarnikuusoq. Naajat tulukkallu inoqarfinnut qanilligaluttuinnaaput, ilami allaat kalaaliminernik piliniarnermi qangatut aalisakkanik neqinik assigisaannillu silami ikaanut nivinngarnissaat mianernarsisimapput.

Aamma naluneqanngilaq, qeqertat ilaanni imeqqutaalaqarfinni teriannissat assorujusuaq akornutaalersimasut, tassani immikkut eqqaasariaqarpoq timmissanut piaqqiorfi-usut “Kitsissunnguit” qeqertat inatsisitigut eqqissisimatitaasut ilaatigut imeqqutaallat piaqqiorfigisaat.

Inatsisit atuuttut naapertorlugit pineqartunik piniarneq piaqqiorfiup avataatigut ingerlanneqarpoq. Aalisarnermut Piniarnermullu Naalakkersuisoqarfiup nalunaarutit attuumassutillit nutarterlugit aallartisarnikuuvai. Timmissanut nalunaarut Timmissa-nik illersuineq piniarnerlu pillugit Namminersorlutik Oqartussat nalunaarutaat nr. 1, 5. Januar 2017-imeersoq nutarterneqassaaq. Aasap ilaa nutarterlugu suliarineqarsin-narluni augusti qaammat tusarniutaavoq, inaarutaasumillu missingersuut Naalakker-suisunut piareersarneqassaaq ukiap ingerlanerani 2017-imi. Siunniunneqarpoq naajat anginerit kisimik eqqissisimatitaajunnaarnissaat.

Teriannissanut tunngatillugu inatsisitigut Kalaallit Nunaanni teriannissat eqqissisimatitaanerit pillugu Namminersorlutik Oqartussat nalunaarutaat nr. 20 ulloq 17. Maj 1989-imeersumi malittarisassiuunneqarpoq. Nalunaarut nutarterlugu aallartisarneqarnikuuvoq, taamalu aamma 2017-imi ukiakkut tamanut ammasumik tusarniutigineqarnissaa naatsorsuutigineqarpoq.

#### ATUISUT ILISIMASAAT AQUTSINERMI ATORNEQARNERULERNISSAAT – PISUNA – PINIAKKANIK SUMIIFFINNI NALUNAARSUINEQ

Piniarneq Aallaaniarnerlu pillugu Inatsit malillugu pisuussutit uumassusillit pillugit aqutsinermut atatillugu Namminersorlutik Oqartussat sumiiffimmi ilisimasat aqutsi-nermi atortarpaat. Misilittakkat takutippaat tamanna inatsisitigut piumasaqaataasoq PISUNA atorlugu anguneqarsinnaasoq taassumalu takutippaa sumiiffimmi ilisimasat qanoq katiterneqarsinnaanersut, uppersarneqarsinnaanersut, eqikkarneqarsinnaa-nersut attavigineqarlutillu ingerlatsinerup aqutsinera pitsaanerulertillugu. Ukiuni arfi-neq marlunni Qaasuitsup Kommuni aqutsiveqarfinni assigiinngitsuni sumiiffimmi pisuussutit pillugit ilisimasat PISUNA aqutugalugu uppersarneqarsimapput.

PISUNA sumiiffinni pisuussutit malinnaaffigineqarnerat piujuaannartumillu aallaa-veqartumik aqutsinissamat pisinnaassusaannik periarfissaanillu pitsannorsaa-simavoq, sumiiffiillu oqariartuutaannik attaveqatigiinneranillu aalajangiinermi pitsannorsaa-simavoq. Suliniut sumiiffimmi ilisimasat pillugit suliniutaavoq, takusat siunnersuu-tillu sumiiffimmi aalisartut piniartullu misilittagaqarnerpaat ilaasortaaffigisaaniit Pinngortitami Pisuussutit pillugit Siunnersuisooqatigiinnik pisarpaat, tassumallu kingorna Nunaqarfinni aqutsisuni, taava kommunini oqartussat, naggataatigullu Namminersorlutik Oqartussanut apuunneqartarput.

Sumiiffimmi paasissutissat ilisimasallu nittartakkakkut katersorneqartarput pitsaa-sutsimikkullu qulakkeerneqarsinnaallutik, kingornalu sumiiffinni assigiinngitsuni atuisunit isumaqatigiissutigineqarsinnaalluni.

PISUNA aqutugalugu paasissutissat aalisartunit piniartunillu katersukkat, ilisima-tuut nalunaarusiaannut misissuineranullu assingupput. Sumiiffimmi malinnaaneq gangaaniillu sumiiffinnilu ilisimasat uppersarisissinnaavaat takunninnermiillu iliuu-seqarnermut piffissaq sivikillisinnaallugu. Iluaqutit: aningaasartuutit annikinnerit;



atortukilluni ingerlanneqarsinnaavoq; nunap immikkoortuanik annertuumik malinnaaneq; nalunaarsuutiniik paasissutissanillu tunniussisarneq; uumasut suut sumiifinnillu malinnaaffigisassanik uppersarsitsineq; attaveqaqatigiinnermik piniartut aalisartullu ilisimasaannik ilanngussineq. Ilisimatuussutsikkulli nakkutiginninneq PISUNA-p taarsersinnaanngilaa.

2017-imi Qaasuitsup Kommunia suliaq ingerlateqqinnissaanut sulisunik aningaasanillu immikkoortitsisimavoq. PISUNA-net Sumiiffimmi takusat pillugit database sananeqarsimavoq sumiiffimmi ilisimasat nalunaarutiginiarlugit, toqqorniarlugit avitseqatiginiarlugillu. Taamaasilluni Namminersorlutik Oqartussat ilisimatuut sumiiffimilu atuisut ilisimasaat aqutsinermi ilanngullugillu atorsinnaanngussavai.

Paasisaqarnerulerusukkuut una takuuk: [www.pisuna.org](http://www.pisuna.org)

PISUNA-net uani takuuk: <https://eloka-arctic.org/pisuna-net/>

PISUNA Facebook-imi quppersagaa takuuk.

**ARFERIT ANGISUUT SANIATIGUT PISARISUUKKAT  
– IPERAANIARNERMI AALISARTUNUT PINIARTUNULLU  
ATTAVEQAQATIGIIT AALLARTISARNEQARPOQ**

Qipoqqaat tikaagulliit, arfiviit aamma tikaagulliusaat tamarmik arfiupput aalisagarniutitut saniatigut pisarisuukkatut nalunaarutigineqartarput. Kalaallit Nunaanni qipoqqaat tassaapput pisarineqarsimasut amerlanerpaat bundgarn-inik pisarineqarsimasutut nalunaarutigineqartarput. Katillugillu arferit angisuut agguaqatigiisillugu ukiumut pingasut saniatigut pisarisoorneqartarlutik. Namminersorlutik Oqartussanut tamanna annertuumik aningaasartuutaavoq, minnerunngitsumillu aalisartunut, aalisariutitut atortunik – qassutiniik assigisaannillu – aseruineri piginnittuusut, isertitanik piffissamillu annaasaqartuusut. Aammattaarlumi sumiiffimmi tassani arfannianut, piffissami pisaqarfiusumi arferup neqaanik tunisassamik annaasaqartut.

Siunertarineqarpoq arfernik anginernik saniatigut pisaqartoorneq annikillisar-niarlugu. Taamaammallu APN Nuummi juli 2016-imi ullunik pingasunik sivissusilimmik pikkorissaanermik aaqquissuussimavoq. Ilinniartitsisuuvoq nunat tama-laat akornanni arfanniarnermik ataatsimiititaliarsuarmit aamma nunarsuarmut tama-nut siaruarsimasumik arferit iperarniarnernannik attaveqaqatigiinni (The global Whale Entanglement response Network) ataqatigiissaarisooq. Pikkorissartut 18-it tassaapput aalisartut, piniartut aamma Kitaani piniarnermik aalisarnermillu nakkutilliisut. Pikkorissarneq Kalaallit Nunaata imartaani arfernik angisuunik saniatigut pisaqartoornermi nalunngisat pillugit ataatsimut eqqartueqatigiinnissamik periarfissiivoq. Taassuma saniatigut pikkorissartut tamarmik periutsinik atortunillu atuineri ilinniartin-neqarput, isumannaatsumik arferit iperarneqarnissaat anguniarlugu. Iperaaniarneq ilinniarsimasunik kisimi ingerlanneqassaaq, iperaaniarneq peqataasunut ulorianarsin-naammatt.

Iperaaniarnermi atortut kitaata sineriaani illoqarfinni arfineq-marlunni inissin-

neqarsimapput, illoqarfigisami piniarnermik nakkutilliisoq attavigineqarsinnaavoq, immaqaluunniit arfermik saniatigut pisaqartoortoqarsimatillugu.

## PINIARIANNGINNERNI AKUERSISSUMMIK PISSARSEQQAARIT

Ukiuni kingullerni ajoraluartumik pissusiliuuteqqajaaneqartoq akuersissummilluunniit pissarseqqaarani piniariarnek. Akuersissut tassaavoq illit inatsit malillugu piumasaqaatinik naammassinninninnut uppernarsaatit. Piniakkat killilersukkanut allanut sanilliullugit piniartut amerlanerusut nannut, aarrit, qilalukkat qaqortat aamma qernertat pisisarpaat, akuersissummik pissarseqqaaratilluunniit. Taassumalu kingunerisinnaavaa pisaqarpallaarnek, akiligassitsinneq aamma arsaarinninneq. Tamakkuupput ajornanngitsumik pinngitsoorneqarsinnaasut akuersissummik pissarseqqaarsimagaanni. Taamaammat Aalisarnermut Piniarnermullu Naalakkersuisoqarfiup killilersukkanik piniariartartunut piniariannginnermi akuersissutiniq aalleqqaarnissaq kaammattuutigerusuppaa. Tassami piniariannginnermi akuersissutiniq aalleqqaarsimagaanni, piniarnermilu nassarlugu, akiligassat pineqaatissiisutaasinnaasullu allat pinngitsoorneqarsinnaammata.

Akiligassiissutip tusintillit arlaqartut angusinnaasarpaa, apeqqutaalluni uumasut qassit, uumasooq suna taavalu aalajangersakkat qassit unioqqutissimanerlugit. Pisamik arsaarinnittoqarsimanngippat annertunerimik akiliisitsinermik kinguneqarsinnaavoq, pisap nalinga akiligassamut ilanngunneqassammat. Arlaleriarluni unioqqutitsinermi piffissami aaliangersimasumi piniarnermik allagartaqaqqusaannginnermik kinguneqarsinnaavoq.

Piffissaqarluartillutit akuersissut kommunimi sumiiffigisanni aajuk.

# UUMASUT ASSIGIINNGITSUT PILLUGIT PAASISSUTISSAT: INATSISIT, PIFFISSALIUSSAT PINIAGA AFFII AAMMA MALERUAGASSAT

## NANOQ

**Inatsisit:** Kalaallit Nunaanni Nannunniarneq inatsisitigut Nannunik Illersuineq Piniarnerlu pillugit Namminersornerullutik Oqartussat nalunaarutaat nr. 21, 22. sept. 2005-imeersumi malittarisassiuunneqarpoq.

**Malugiuk:** Kane Bassin-imi aamma Baffin Bugt-imi nannut pillugit Biologit nutaa-mik siunnersuuteqarput Kalaallit Nunaata aamma Nunavut akornanni ukiaanerani 2017-imi oqaluuserineqartussamik. Taassuma kingorna nannutassiissutit nalimmas-sarneqassapput siusinnerpaamik 2018-imiit atuuttumik. Nalunaarut nutarterneqar-poq sulissutigineqarlunilu 1. Januaarimi 2018-imi atuutilersinneqassasoq.

**Piffissat nannunniarfiusut:** septembarip 1-ianiit junip 30-anut Kitaani (Qaanaaq-Nanortalik), kiisalu Oktobarip 1-ianiit – julip 31-anut Kangiani (Ittoqqortoormiit aamma Tasiilaq).

**Ilitsersuutit:** Nannunik naammattuinermi qanoq pissuseqarnissamut ilitsersuut Namminersorlulit Oqartussat nutarternikuuvaat, tassani aamma nannup toqunne-qarnerata kingorna amia, niaquata saarnga aamma aqajarua qanoq passunneqassaner-sut ilanngunneqarlutik. Ilitsersuut aamma nittartakkami [www.businessingreenland.gl](http://www.businessingreenland.gl) pissarsiarineqarsinnaavoq.

**Sulloqqortussutsinut piumasaqaatit:** Cal. .30-06

| 2012-2016-imi piasisimasat | 2012 | 2013 | 2014 | 2015 | 2016 |
|----------------------------|------|------|------|------|------|
| Tamakkerlugit              | 138  | 127  | 143  | 142  | 120  |

## AAVEQ

**Inatsisit:** Aavernik piniarneq inatsisitigut Aavernik Illersuineq Piniarnerlu pillugit Namminersornerullutik Oqartussat nalunaarutaat nr. 20, 27. oktober 2006-imeer-sumi malittarisassiuunneqarpoq.

**Malugiuk:** Uumassusilerisunit siunnersuineq piffissami 2014-2018-imut atuuppoq. 2015-imi Qaanaap eqqaanut taamaallaat atuuttoq paasissutissat kingulliit ilanngul-lugit siunnersuineq nutaaq saqqummiunneqarpoq. Nalunaarut atuuttoq maannak-kut nutarterlugu ingerlanneqarpoq januarip aallaqqaataani 2018 atuutilersinnissaa siunertaralugu.

**Piffissat piniagaaffiusut:** Avannaata imartaani sumiiffiit avannarpasissutsip 70°30'N-ip avannaata tungaani: 1. Oktobarip 1-ianiit Junip 30-ata tungaanut. - Kitaani ukiukkut aaveqatigiit (66°N – 70°30'N) Martsip 1-ianiit Apriliip 30-ata tungaanut. Tunumi piffissat piniarfiusut: Oktobarip 1-ianiit Juunip 30-ata tungaanut

**Sulloqqortussutsinut piumasaqaatit:** Cal. .30-06

| 2012-2016-imi pisarisimasat | 2012 | 2013 | 2014 | 2015 | 2016 |
|-----------------------------|------|------|------|------|------|
| Tamakkerlugit               | 114  | 120  | 127  | 131  | 135  |

### ARFERIT ANGISUUT

**Inatsisit:** Arfernik angisuunik piniarnermi pineqarput; tikaagullik, qipoqqaq, arfivik aamma tikaagulliusaaq, piniarneqarneri inatsisitigut Arfernik Angisuunik Illersuineq Piniarnerlu pillugit Namminersorlutik Oqartussat nalunaarutaat nr. 12, 22. december 2014-imeersumi kiisalu Arfattat Angisuut Pissatallu Nalunaarutigineqartarnerat pillugu Namminersorlutik Oqartussat nalunaarutaat nr. 12, 16. juli 2010-meersumi malittarisassiuunneqarput.

**Piffissat piniarfusut:** Tikaagullik Martsip 1-aniit Novembarip 30-anut ingerlanneqartarpoq.

Arfivik, Apriilip 1-aniit Decembarip 31-anut. Tikaagulliusaaq aamma qipoqqaq ukioq kaajallallugu piniarneqarsinnaavoq Januarpip 1-ianiit – 31. Decembarip 31-anut.

**Ilitsersuutit:** Imarmiunik unioqqutitsilluni pisaqartoqartillugu, imminut illersorniarluni imaluunniit piniakkanik killilersukkanik saniatigut pisisuukkanik qassutini pisisuuisoqartillugu ilitsersuut nittartakkami [www.businessingreenland.gl](http://www.businessingreenland.gl) -imi aaneqarsinnaavoq.

**Sulloqqortussutisnut piumasaqaatit:** Ataatsimut piniaqatigiilluni tikaagullinniarnermi: Cal. .30-06

| 2012-2016-imi pisarisimasat | 2012 | 2013 | 2014 | 2015 | 2016 |
|-----------------------------|------|------|------|------|------|
| Tikaagulliusaaq             | 5    | 9    | 12   | 12   | 10   |
| Arfivik                     | 0    | 0    | 0    | 1    | 0    |
| Qipoqqaq                    | 10   | 8    | 7    | 6    | 5    |
| Tikaagullik                 | 152  | 181  | 157  | 139  | 163  |

### QILALUKKAT QAQORTAT QERNERTALLU

**Inatsisit:** Qilalukkanik qaqortanik qernertanillu piniarneq inatsisitigut Qilalukkat Qaqortat Qernertallu Illersugaanerit Piniagaanerallu pillugit Namminersorlutik Oqartussat nalunaarutaat nr. 3, 27. januar 2017-imeersumi malittarisassiuunneqarpoq.

**Malugiuk:** Tunumi qilalukkat qernertat kisinneqarlutillu misissorneqarput, uumasusilerinikkullu siunnersuut 1. januar 2019-imiit atulersinneqarnissaa naatsorsuutigineqarluni.

**Piffissat piniarfusut:** Ukioq naallugu Qaqortanik Qernertanillu qilalugarniarloqartarpoq, 1. januarip 1-ianiit – Decembarip 31-anut.

**Ilitsersuutit:** Imarmiunik unioqqutitsilluni pisaqartoqartillugu, imminut illersorniarluni imaluunniit piniakkanik killilersukkanik saniatigut pisisuukkanik qassutini saniatigut pisisuuisoqartillugu ilitsersuut nittartakkami [www.businessingreenland.gl](http://www.businessingreenland.gl) aaneqarsinnaavoq.

**Sulloqqortussutsinut piumasaqaatit: Cal. .30-06.**

| 2012-2016-imi pisarisimasat | 2012 | 2013 | 2014 | 2015 | 2016 |
|-----------------------------|------|------|------|------|------|
| Qilalugaq qaqortaq          | 211  | 305  | 271  | 127  | 203  |
| Qilalugaq qernertaq         | 361  | 350  | 415  | 312  | 401  |

**TUTTUT**

**Inatsisit:** Tuttunniarneq inatsisitigut Namminersorlutik Oqartussat nalunaarutaat nr. 7, Tuttut Nujuartat Illersugaaneratt Piniagaanerallu pillugit 27. juni 2013-imeersumi malittarisassiuunneqarpoq. Pisisseq atorlugu tuttunniarsinnaaneq periarfissaavoq, nalunaarummi piumasaqaatit malillugit.

**Sulloqqortussutsinut piumasaqaatit:** Inuussutissarsiutigalugu aamma Sunngiffimmi piniarneq: Cal. 222. Tammajuitsussarsiorluni piniarneq: Cal. .243.

| 2012-2016-imi pisarisimasat | 2012   | 2013   | 2014   | 2015   | 2016   |
|-----------------------------|--------|--------|--------|--------|--------|
| Tamakkerlugit               | 11.421 | 11.326 | 12.963 | 12.082 | 10.997 |

**UMIMMAAT**

**Inatsisit:** Umimmanniarneq inatsisitigut Namminersorlutik Oqartussat nalunaarutaat nr. 8, Umimmaat Illersugaaneratt Piniagaanerallu pillugit 27. juni 2013-imeersumi malittarisassiuunneqarpoq. Pisisseq atorlugu uminniarsinnaaneq periarfissaavoq, nalunaarummi piumasaqaatit malillugit.

**Sulloqqortussutsinut piumasaqaatit:** Sunngiffimmi aamma Inuussutissarsiutigalugu piniarneq: 6.5x55mm. Tammajuitsussarsiorluni piniarneq: Cal. .30-06.

| 2012-2016-imi pisarisimasat | 2012  | 2013  | 2014  | 2015  | 2016  |
|-----------------------------|-------|-------|-------|-------|-------|
| Tamakkerlugit               | 2.134 | 2.244 | 2.394 | 2.384 | 2.543 |

**PUISIT**

**Inatsisit:** Puisinniarneq inatsisitigut Puisit Illersugaaneratt Piniagaanerallu pillugit Namminersornerullutik Oqartussat nalunaarutaat nr. 16, 12. nov. 2010-meersumi malittarisassiuunneqarpoq.

**Malugiuk:** Qasigiaq aamma sigguttooq (puisi sigguttuup) Nunatsinni eqqissisimattaalluinnarmata taakkualu piniarneqartunut ilaangillat.

**Piffissat piniarfusut:** Puisinniarneq ukioq naallugu ingerlanneqarpoq, Januarip 1-iaaniit – Decembarip 31-anut.

**Sulloqqortussutsinut piumasaqaatit:** Cal. 17HMR, Cal. 22WMR aamma Caliber 20.



**Inatsisit:** Timmissanik piniarneq inatsisitigut Timmissat Illersugaanerat Pinia-gaanerallu pillugit Namminersorlutik Oqartussat nalunaarutaat nr. 1, 5. januar 2017-imeersumi malittarisassiuunneqarpoq.

**Malugiuk:** Pinngortitaleriffik maj qaammat 2016-imi Nunatsinni appat killiffiat pillugit nalunaarusiorput. Appat pillugit paasisat kingusinnerpaat takutippaat, Nunatsinni timmiaqarfinni amerlanerni appaqassutsit sakkortuumik kinguariartortut, Qaanaap eqqaani appaqarfiit pinnatik, taakkua ajunngitsumik ineriartorunarlutik. Kalaallit Nunaat tamarmi isigalugu appaqassuseq 1990-ip kingorna 15 %-imik ikileriarsimaput. Tassani Qaanaaq ilaatinnngikkaanni tamakkiisumik kinguariarneq 35-40 %-imik annertussuseqarpoq. Oktober 2016-imilu Pinngortitaleriffiup appat tamakkiisumik eqqissisimatinneqarnissaat innersuussutigaa.

Timmissat illersorneqarnerat piniagaanerallu pillugit nalunaarut nutarterlugu ingerlanneqarpoq, ilaatigut appat pillugit uumassusilerisunit siunnersuineq kingusinnerpaq tunngavigalugu. Ilaatigut appat aamma naajanut tunngatillugu naatsorsuutigineqassaaq piffissat piniarfiusunik aamma ullormi piniarfiusumi ataatsimi pisarineqarsinnaasunik allannguuteqartoqarnissaa. Tamakku tusagassiorfitsigut aamma nittartakkami [www.businessingreenland.gl](http://www.businessingreenland.gl)-imi tamanut ammasumik nalunaarutigineqarumaarput.

#### **Piffissat piniarfiusut:**

Nunap immikkoortua, Zone 1: Qaanaap aqutsiveqarfia, tassa Qaanaap aqutsiveqarfia avannamut killeqarfianiit kujammut Upernaviup aqutsiveqarfia avannamut killeqarfia tikillugu.

Nunap immikkoortua, Zone 2: Ilulissat aqutsiveqarfia avannamut killeqarfianiit Upernaviup aqutsiveqarfia avannamut killeqarfia tikillugu.

Nunap immikkoortua, Zone 3: Kalaallit Nunaata kujataa-kippassissoq (Nunap isuaniit Ilulissat aqutsiveqarfia avannamut killeqarfianut).

Nunap immikkoortua, Zone 4: Ittoqqortoormiit aqutsiveqarfia avannamut killeqarfianiit Tasiilap aqutsiveqarfia kujammut killeqarfia tikillugu.

#### **Miteq, Miteq sioraki:**

- Inuussutissarsiutigalugu piniarnermut allagartallit ukiuunerani piniarnermi, ullormi piniarfiusumi ataatsimi miternik miternillu siorakitsunik amerlanerpaamik 40-nik pisaqarsinnaapput:

| Nunap immikkoortua     | 1               | 2               | 3               | 4               |
|------------------------|-----------------|-----------------|-----------------|-----------------|
| Piffissat piniarfiusut | Okt 15–April 30 | Okt 15–April 30 | Okt 15–Marts 31 | Okt 15–April 30 |

- Sunngiffimmi aallaaniarsinnaanermut allagartallit ullormi piniarfusumi ataatsimi miternik miternillu siorakitsunik amerlanerpaamik 10-nik pisaqarsinnaapput:

| Nunap immik-koortua   | 1               | 2               | 3               | 4               |
|-----------------------|-----------------|-----------------|-----------------|-----------------|
| Piffissat piniarfusut | Okt 15–April 30 | Okt 15–April 30 | Okt 15–Marts 31 | Okt 15–April 30 |

Inuussutissarsiutigalugu aamma sunngiffimmi aallaaniarsinnaanermut allagartallit miternik miternillu siorakitsunik upernaakkut ullormi piniarfusumi ataatsimi nammineq atugassatut amerlanerpaamik 20-nik pisaqarsinnaapput: Nunap immikkoortua, zone 1: Maj 1-Maj 31.

### **Appa sigguttooq, Appa:**

- Inuussutissarsiutigalugu piniarnermut allagartallit ukiuunerani piniarnermi, ullormi piniarfusumi ataatsimi appanik sigguttuunik appanillu amerlanerpaamik 20-nik pisaqarsinnaapput:

| Nunap immik-koortua   | 1             | 2             | 3            | 4            |
|-----------------------|---------------|---------------|--------------|--------------|
| Piffissat piniarfusut | Okt 15–Feb 29 | Sep 15–Nov 15 | Nov 1–Dec 15 | Nov 1–Dec 31 |

- Sunngiffimmi aallaaniarsinnaanermut allagartallit ukiuunerani piniarnermi, ullormi piniarfusumi ataatsimi appanik sigguttuunik appanillu amerlanerpaamik 3-nik pisaqarsinnaapput:

| Nunap immik-koortua   | 1             | 2             | 3            | 4            |
|-----------------------|---------------|---------------|--------------|--------------|
| Piffissat piniarfusut | Okt 15–Feb 29 | Sep 15–Nov 15 | Nov 1–Dec 15 | Nov 1–Dec 31 |

- Upernaakkut inuussutissarsiutigalugu aamma sunngiffimmi aallaaniarsinnaanermut allagartallit ullormi piniarfusumi ataatsimi nammineq atugassatut appanik sigguttuunik appanillu amerlanerpaamik 5-inik pisaqarsinnaapput: Nunap immikkoortua, zone 1: Marts 1-Juni 15.
- Inuussutissarsiutigalugu aamma sunngiffimmi aallaaniarsinnaanermut allagartallit upernaakkut ullormi piniarfusumi ataatsimi nammineq atugassatut appanik sigguttuunik appanillu amerlanerpaamik 3-nik pisaqarsinnaapput: Nunap immikkoortua, zone 2: April 15-Maj 15.

**Taateraaq:**

- Inuussutissarsiutigalugu aamma sunngiffimmi aallaaniarsinnaanermut allagartallit ukiuunerani piniarnermi, ullormi piniarfiusumi ataatsimi nammineq atugassatut taateraanik amerlanerpaamik 10-nik pisaqarsinnaapput:

| Nunap immikkoortua     | 1                               | 2                               | 3              | 4              |
|------------------------|---------------------------------|---------------------------------|----------------|----------------|
| Piffissat piniarfiusut | Sep 1-Okt 31 / Marts 1-Marts 31 | Sep 1-Okt 31 / Marts 1-Marts 31 | Sep 1-Marts 31 | Sep 1-Marts 31 |

**Timmissaat pisassiissutitaqanngitsut piniagaaffii****Oqaatsoq:** 1. Sep. – 31. Mar.**Tuullik:** 1. Sep. – 15. Okt.**Qaulluk:** 1. Sep. – 31. Okt.**Appaliarsuk:** 1. Sep. – 30. Apr. Nunap immikkoortua, zone 1 og Nunap immikkoortua, zone 4: Appaliarsunnik piaraannillu ukioq kaajallallugu piniartoqarsinnaavoq.**Nerlernaarsuk:** 1. Aug. – 15. Okt.**Nerleq siggukitsoq, nerlernarnaq:** 1. Sep. – 30. Apr. Nunap immikkoortua, zone 4: 1. Sep. – 31. Maj.**Kangoq:** 1. Sep. – 15. Okt.**Qeerlutooq, alleq, tulugaq:** 1. Sep. – 29. Feb.**Naajaannaq, naajarujussuaq, naajarluk:** 1. Sep. – 30. Apr.**Serfaq:** 1. Sep. – 31. Mar.**Aqisseq:** 1. Sep. – 30. Apr. Nunap immikkoortua, zone 2: 1. Sep. – 31. Maj.**Mannissarneq:** Sunngiffimmi aallaaniarsinnaanermut aamma inuussutissarsiutigalugu piniarnermut allagartaqaruit nammineq atugassatut timmissat manniinik ukuninnga: qaqulluit, naajarluit, naajarujussuit aamma naajaannaat manniinik piffissami 01.01 – 15.06-imut katersisinnaavutit.

Mannissarniarnermi allunaasat, majuartarfiit, allunaasat innartornermi atortartut innartornermilu atortut allat atornissaat inerteqqutaavoq.

**Sulloqqortussutsinut piumasaqaatit:** Cal. 22lr aamma annerpaamik 12ga. timmiarsiut.

- Kukiffaajuup eqqissisimatitaanera pillugu Namminersornerullutik Oqartussat nalunaarutaat nr. 13, 13. september 2004-meersaq.
- Kalaallit Nunaanni teriannissat eqqissisimatitaanerat pillugu Namminersornerullutik Oqartussat nalunaarutaat nr. 20, 17. maj 1989-meersaq.
  - o Piffissaq piniarfiusoq: 16. septemberimiit 14. maj ilanngullugu
  - o Sulloqqortussutsinut piumasaqaatit: Timmiarsiut, qoorortuuraq aamma qoorortoq nalinginnaasoq. Sakkut eqittaannartakkat nutsuinnartakkallu atoqusaanngillat.

**Malugiuk:** Kommunit / aqutsiveqarfiit ilaanni uumasut piniagaaffii piniarnermullu atortut pillugit malittarisassat kommunip ileqqoreequsaatigut allaanerusinnaapput / sukanganerusinnaapput. Taamaattumik nalorniguvit kommuni najugaqarfigisat saaffigiuk.

| 2012-2016-imi pisisimasat | 2012  | 2013  | 2014  | 2015  | 2016 |
|---------------------------|-------|-------|-------|-------|------|
| Tamakkerlugit             | 1.752 | 1.467 | 1.691 | 1.219 | 674  |

- Kalaallit Nunaanni ukallit eqqissisimatitaanerat pillugu Namminersornerullutik Oqartussat nalunaarut nr. 19, 17. maj 1989-meersaq.
  - o Piffissaq piniarfiusoq: 1. augustimiit 30. april ilanngullugu.
  - o Sulloqqortussutsinut piumasaqaatit: Timmiarsiut, qoorortuuraq aamma qoorortoq nalinginnaasoq. Sakkut eqittaannartakkat nutsuinnartakkallu atoqusaanngillat.

**Malugiuk:** Kommunit / aqutsiveqarfiit ilaanni uumasut piniagaaffii piniarnermullu atortut pillugit malittarisassat kommunip ileqqoreequsaatigut allaanerusinnaapput / sukanganerusinnaapput. Taamaattumik nalorniguvit kommuni najugaqarfigisat saaffigiuk.

| 2012-2016-imi pisisimasat | 2012  | 2013  | 2014  | 2015  | 2016  |
|---------------------------|-------|-------|-------|-------|-------|
| Tamakkerlugit             | 2.410 | 2.494 | 2.263 | 2.268 | 1.830 |

- Amaqqut Kalaallit Nunaanni eqqissisimatinneqarnissaat pillugu Namminersornerullutik Oqartussat nalunaarutaat nr. 9, 5. maj 1988-meersaq.
  - o Amaqqut Kalaallit Nunaanni tamarmi eqqissisimatitaapput, Ittoqqortoormiit aqutsiveqarfiani Jameson Landimi aamma Liverpool Landimi amaqqut pine-qanngillat.

**Malugiuk:** Amaqqut pillugit nalunaarut nutarterlugu ingerlanneqarpoq.

### **Piniarneq Aallaaniarnerlu pillugit Inatsit**

- Piniarneq Aallaaniarnerlu pillugit Inatsisartut Inatsisaat nr. 12, 29. oktober 1999-imeersaq.
- Piniarneq Aallaaniarnerlu pillugit Inatsisartut Inatsisaata allanngortinneqarneranik Inatsisartut Inatsisaat nr. 11, 12. November 2001-imeersaq.
- Piniarneq Aallaaniarnerlu pillugit Inatsisartut Inatsisaata allanngortinneqarneranik Inatsisartut Inatsisaat nr. 9, 15. April 2003-meersaq.
- Piniarneq Aallaaniarnerlu pillugit Inatsisartut Inatsisaata allanngortinneqarneranik Inatsisartut Inatsisaat nr. 1, 16. Maj 2008-meersaq.

### **Piniarnermut allagartat**

- Inuussutissarsiutigalugu Piniarsinnaanermut Allagartat pillugit Namminersorlutik Oqartussat nalunaarutaat nr. 13, 30. december 2014-imeersaq.
- Sunngiffimmi Aallaaniarsinnaanermut Allagartat pillugit Namminersorlutik Oqartussat nalunaarutaat nr. 14, 30. december 2014-imeersaq.

### **Piniarnermik Nakkutilliisut**

- Piniarnermik Aalisarnermillu Nakkutilliisut suliaasaat piginnaatitaaffilu pillugit Namminersornerullutik Oqartussat nalunaarut nr. 28, 30. oktober 1998-imeersaq.

### **Tammajuitsussarsiniarluni aallaaniarneq**

- Akiliuteqarluni Aallaaniarneq Aalisarnerlu pillugit Namminersornerullutik Oqartussat nalunaarutaat nr. 22, 19. august 2002-meersaq.

### **Assartuutit**

- Assartuutit motoorinik ingerlatillit atorreqarneri pillugit Namminersorlutik Oqartussat nalunaarutaat nr. 10,

10. oktober 2013-imeersaq.

- Aallaaniarnermi angallatit ilaasa atorreqarnissaannut inerteqquteqarneq pillugu Landsrådpip nalunaarutaa nr. 241, 2. juni 1972-imeersaq.

### **Uumasunik illersuineq pillugu Inatsit**

- Uumasunik illersuineq pillugu Inatsisartut Inatsisaat nr. 25, 18. december 2003-meersaq.

### **Aallaasit/sakkut**

- Amerlasuut aqerlumik sanaat eqqunneqartarnerat, tunisaanerat pigineqarnerallu aamma atugaanerat pillugu Namminersorlutik Oqartussat nalunaarutaat nr. 13, 8. august 2012-imeersaq.
- Kalaallit Nunaannut aallaasit pillugit Inatsit nr. 1008, 19. december 1992-imeersaq. ([www.retsinfo.dk](http://www.retsinfo.dk)).

### **Sumiiffiit eqqissisimatitat**

- Kalaallit Nunaanni masarsoqarfiit nunanit tamalaanit toqqarneqartut illersorneqarnissaat aamma timmissat imarmiut ilaasa illersorneqarnissaat pillugu Namminersorlutik Oqartussat nalunaarutaat nr. 12, 1. Juni 2016-imeersaq.
- Ivittuut Kangilinnguillu eqqaanni nunap allanngutsaaliorneqarnissaa pillugu Namminersorlutik Oqartussat nalunaarutaat nr. 4, 12. april 2010-meersaq.
- Kuussuup (Austmannadalen) eqqissisimatitaanera pillugu Namminersornerullutik Oqartussat nalunaarutaat nr. 23, 14. juli 2008-meersaq.
- Kitsissunnguit eqqissisimatitaanerat pillugu Namminersornerullutik Oqartussat nalunaarutaat nr. 11, 17. april 2008-meersaq.
- Ilulissat Kangerluata, Kangiata, eqqis-

sisimatitaanissaa pillugu Namminersornerullutik Oqartussat nalunaarutaat nr. 10, 15. juni 2007-imeersoq.

- Qeqertap Uunartup ilaata, Nanortalup Kommunianniittup, eqqissisimatitaanissaa pillugu Namminersornerullutik Oqartussat nalunaarutaat nr. 11, 19. april 2005-imeersoq.
- Qinnnguata Qooruata, Qinngup Kujalliup, Tasersuup, Kuussuup, kiisalu Kuussuarmiit Qasigernermi orpeqarfiup tungaanut nunatap eqqissisimatitaanissaat pillugit Namminersornerullutik Oqartussat nalunaarutaat nr. 12, 19. april 2005-imeersoq.
- Kalaallit Nunaata avannaarsuani kangianilu Nuna Allannngutsaaliugassatut Immikkoortitap pillugu Namminersornerullutik Oqartussat nalunaarutaata allanngortinneqarneranik Namminersornerullutik Oqartussat nalunaarutaat nr. 16, 5. oktober 1999-imeersoq.
- Kalaallit Nunaata avannaarsuani kangianilu Nuna Allannngutsaaliugassatut Immikkoortitap pillugu Namminersornerullutik Oqartussat nalunaarutaat nr. 7, 17. juni 1992-imeersoq.
- Kalaallit Nunaata Kitaani, Manitsup Kommuneani, Arnangarnup Qooruata allannngutsaaliorneqarnera pillugu Namminersornerullutik Oqartussat nalunaarutaat nr. 31, 20. oktober 1989-imeersoq.
- Qimusseriarsuarmi uumasunik eqqissisimatitsivik pillugu Namminersornerullutik Oqartussat nalunaarutaat nr. 21, 17. maj 1989-imeersoq.
- Namminersorlulik Oqartussat nalunaarutaat 2. April 1986-imeersoq Arktisk Stationip erqâta erqissisimatitaunera pillugu.

- Nanortagdlup kommuniane Klosterdalen'ime orpît naussutdlo sernigsorneqarnigssât pivdlugo landsrådip ileqqoreqqusaliâ 30. Juni 1970-me.

### **Pinngortitamik illersuineq pillugu Inatsit**

- Pinngortitap illersorneqarnera pillugu naammagittaalliuteqartarfik pillugu Namminersornerullutik Oqartussat nalunaarutaat nr. 6, 12. februar 2009-meersoq.
- Pinngortitamik illersuineq pillugu Inatsisartut Inatsisaat nr. 29, 18. december 2003-meersoq.

### **Tunisineq**

- Piniakkanik savaateqarnermillu tunissianik tunisaqarnermi nalunaaruteqartarnek pillugu Namminersornerullutik Oqartussat nalunaarutaat nr. 10, 5. juli 2006-imeersoq.

Inatsisit nittartakkami uani nassaarisinnaavatit [www.inatsisit.gl](http://www.inatsisit.gl), inatsisip nalunaarutilluunniit atia atorlugu ujaruk imaluunniit ukua inatsisillu imaluunniit nalunaarutip normua atorlugu.

### **Kommunimi ileqqoreqqusat**

Kommunini ileqqoreqqusaliat arlallit pigineqarput piniarnermik malittarisasanit sukannernerusinnaasut. Taamaattumik kommunimut angerlarsimaffigisannut saaffiginnigut ileqqoreqqusat sorliit kommuninni atuunnersut paasiniarlugit. Assersuutigalugu nunatsinni kommunit ilaanni makkununga tunngasuni ileqqoreqqusaqartitsisoqarpoq: puisinni- arnermi, puisinut qassusersornermi, timmiarniarnermi, qilalukkanut qaqortanut qassusersornermi, qilalukkanut qerner- tanik piniarnermi, arfearnik pilannermi aamma assartuutitut.



## **NAJUKKANNI PINIARNERMUT AALAJANGERSAKKAT NALORNISIGIGUKKIT KINA APERISSAVIUK?**

Najukkanni piniarnermut aalajangersakkat nalornissutigigukkit kommunimi inuus-sutissarsiornermut siunnersorti tamatigut aperisinnaavat imaluunniit Aalisarnermut Piniarnermullu Naalakkersuisoqarfimmi Piniarnermut Aallaaniarnermullu Immik-koortorta qarfik.

Najukkanni kommunerisat piniarnermut tunngasorpassuarnik akissuteqarfigisin-naavaatit, soorlu najukkanni piffissat piniarfiusut atuuttut pillugit, uumasunut kil-lilersukkanut akuersisummik qanoq pissarsisoqartanera, uumasunik killilersukkanik immikkut nalunaarsuiffiit immersorneqarnissaat allarpassuillu pillugit.

Aammattaaq nittartakkami [www.sullissivik.gl](http://www.sullissivik.gl) piniakkanut tunngasut nalinginnaa-sumik paasissutissanik pissarsiarineqarsinnaapput.

**Adressi ataani allassimasoq atorlugu sulianik sullissisut attuumassuteqartut  
attavigisinnaavatit:**

**Aalisarnermut Piniarnermullu Naalakkersuisoqarfik**

**Imaneq 1A, 701, Postbox 269, 3900 Nuuk**

**E-mail tamanit atugassaq: [apn@nanoq.gl](mailto:apn@nanoq.gl)**

Saaffiginnissutitut uumasunillu killilersugaasunik pisanik nalunaarsuiffinnut

Faxnormu: +299 34 63 55.

Piniarnermut allagartamik qinnuteqarnermi / ukiumoortumik pisanik nalunaarute-qarnermi Faxnormu: +299 34 53 40.

Ukiumoortumik immersugassat pillugit piniarnermut allagartamik qinnuteqarnermi

E-mail-adressi: **[Jagtbeviser@nanoq.gl](mailto:Jagtbeviser@nanoq.gl)**

# PINIARNERMUT ALLAGARTALERINEQ KOMMUNINUT NUUNNEQARNERA

Februaarip 1-ani kom-  
munit piniarnermut  
allagartanik tunnius-  
sisarneq akisussaaftik  
tiguaat. Maannakkut  
kommunit piniar-  
nermut allagartanik  
tunniussisartuussap-  
put ukiumoortumillu  
nalunaarsuiffinnik  
nalunaarutigineqas-  
sapput. Tamanna  
isumaqarpoq ukiu-  
moortumik naluna-  
arutit Aalisarnermut  
Piniarnermullu Naa-  
lakkersuisoqarfimmut  
nassiunneqassanngil-  
lat, kisianni illit nam-  
mineq [www.sullis-  
sivik.gl](http://www.sullis-<br/>sivik.gl) aqqutigalugu  
imaluunniit kommu-  
nimi Sullissivimmi  
nalunaarutigissavatit.

Piniarnermut  
allagartamik immik-  
kut akuerineqarnis-  
samik qinnuteqaatit  
suli Aalisarnermut  
Piniarnermullu Naa-  
lakkersuisoqarfiup  
suliarisarpai.

Piniarnermut allagartat isikkuatigut  
allanngornikuuvoq massakkullu pappiaraq A4-tut angissuseqalernikuulluni, asseq ta-  
kuuk. Allakkerivimmi akiliisimaguit eqqaamallugu illit atit allaqqasortalik angerlamut  
nassarnissaat. Tassa taanna akiliisimanermit uppersarsaat ilanngullugu piniarnermut  
allagartaavoq.

Piniarnermut allagartat suli plastikkimik poorsinnaavat. Tamanna Piniarneq-mi  
pineqarsinnaavoq, kommunip Sullissiviani tunniunneqarsinnaapput.

Test Testsen  
Testvej 1  
3950 Aasiaat

PINIARNERMUT ALLAGARTAQ  
**PINIARNEQ 2018**

PINIARNERMUT ALLAGARTAQ  
Apuullersarpoq banki allakkeriviuqumut akiliineq uppersarsalugu naqisussisangaat. Namminersamik girokonto atornerpaat  
aningsarsivimmi uppersarsaat piniarnermut allagartamut nipilinnegassaaq. Akiliissuusat nalinginnaasut atorlugit imaluunniit aningsarsivimmi  
Allagartat piniarnermullu Naa-lakkersuisoqarfiimmut akiliisoqarsinnaanngilaq.

CPR-NR. 1234567890

JAGTBÆVIS Sunngiffimmi / Fritidsjæger  
Kun gyldigt som jagtbævis med bankens eller posthusets kvittering for indbetaling. Bærvites egen girokonto skal kvitteringen fra  
banken vedhæftes jagtbævisen. Jagtbæviset er strengt personligt.  
Jagtbæviset giver adgang til jagt i perioden 1. januar - 31. december 2018.

PINIARNERMUT ALLAGARTAP AKILERNISSAANUT ILITBESUUT.  
Allagartat akiliissaa:  
Piniarnermut allagartat bankimut allakkeriviuqumut akiliineq uppersarsalugu naqisussisangaat. Namminersamik girokonto atornerpaat  
aningsarsivimmi uppersarsaat piniarnermut allagartamut nipilinnegassaaq. Akiliissuusat nalinginnaasut atorlugit imaluunniit aningsarsivimmi  
Allagartat piniarnermullu Naa-lakkersuisoqarfiimmut akiliisoqarsinnaanngilaq.

VEJLEDNING I INDBETALING AF JAGTBÆVISAFGIFTEN.  
Indbetaling af jagtbævisafgiften:  
Jagtbæviset er først gyldigt, når det er kvitteret for indbetaling i en bank eller posthus. Kvitteringsdelen sammen med den del af girokontoet  
udgør jagtbæviset. Hvis egen girokonto benyttes skal kvitteringen fra banken vedhæftes jagtbæviset. De kan ikke betale jagtbævisafgiften  
på almindeligt indbetalingskort eller ved at sende penge til Departementet for Fiskeri og Fangst.  
Erfølgingsjagtbævis:  
Borborner: Deres jagtbævis og ønsker De forrest at kunne gå på jagt, kan De genudprinte deres jagtbævis via selvbetjeningsløsningen  
på [www.sullissivik.gl](http://www.sullissivik.gl) eller i kommunens Borgerservice Center.

Innsiarnersamik inuullaaqqusiit / med venlig hilsen  
Aalisarnermut Piniarnermullu Naa-lakkersuisoqarfik / Departementet for Fiskeri og Fangst

Indbetalingskort  
Kan betales i pengeinstituttet og på posthuset.  
Kreditinstitutter og allakkeriviuqumut ilitbessuut  
80060815  
**PINIARNEQ 2018**  
Kalaallit Nunaanni Namminersorluutik Oqartassat  
Greenlands Selvstyre  
Postboks 269, 3900 Nuuk  
Underskrift ved overførsel fra konto

KA 71  
Check og lignende accepteres under forudsætning af at penge-  
instituttet har modtaget betalingen. Ved korrekt betaling i penge-  
instituttet med tilmeldt er det udstedende pengeinstituts  
Kreditinstitutter og allakkeriviuqumut ilitbessuut  
80060815  
**PINIARNEQ 2018**  
Kalaallit Nunaanni Namminersorluutik Oqartassat  
Greenlands Selvstyre  
Postboks 269, 3900 Nuuk

ILLIT PAARISASSAT  
AKILIISIMANERNUT  
UPPERSARSAT

2500 00 300418  
71< 201812345678909+80060815<